

三難也胡地秋冬甚寒春夏甚風多齎舖鍍薪炭重不

可勝

師古曰舖古金字也鍍音富

食糒飲水以歷四時師有

疾疫之憂是故前世伐胡不過百日非不欲久執力不

能此四難也輜重自隨則輕銳者少

師古曰重音直不用反其下亦同

得疾行虜徐遁逃執不能及幸而逢虜又累輜重

師古曰累

音力如遇險阻銜尾相隨

師古曰銜馬銜也尾馬尾也言前後單行不得並驅

虜

要遮前後危殆不測此五難也大用民力功不可必立

臣伏憂之今既發兵宜縱先至者令臣尤等深入霆擊

且以創艾胡虜

師古曰請率見到之兵且以擊虜

莽不聽尤言轉兵穀

如故天下騷動咸既受莽孝單于之號馳出塞歸庭具